

*Podestà a Cittadella.*

† Sier Antonio Venier di sier Zuane  
Alvise, qu. sier Francesco, qua-  
druplo, ducati 800 . . . . . 717. 71  
non sier Francesco Coppo fo XL, qu. sier  
Marco, nulla oferse.

*Podestà a Montagnana.*

† Sier Zuan di Prioli el XL Criminal,  
di sier Nicolò, dopio, duc. 500 . 573.199  
Sier Hironimo Barbaro fo capitano a  
Soave di sier Lorenzo, dopio, du-  
cati 600 . . . . . 495.292  
non Sier Antonio Venier di sier Zuan  
Alvise.

*Camerlengo e Castellan a Veia.*

† Sier Sebastian Malipiero fo cao di  
XL, qu. sier Andrea, dopio, duca-  
ti 900 . . . . . 579.183  
non Sier Piero Orio fo XL, qu. sier Zua-  
ne, dopio, nulla offerse.  
Sier Andrea Barbaro qu. sier Jaco-  
mo, ducati 1100. . . . . 409.350

*Un oficial a le Raxon nuove.*

† Sier Alvixe Bafo fo zudese di Pro-  
prio, qu. sier Mafio, ducati 900 . 536.246  
Sier Domenego Lion fo XL, qu. sier  
Alvise, qu. sier Giacomo, ducati  
1000 . . . . . 454.327  
189 non Sier Antonio da Canal fo cao di XL,  
qu. sier Zuane, nulla oferse.  
Sier Marco Antonio Barbarigo fo ca-  
taver, qu. sier Gregorio, qu. Se-  
renissimo ducati 800 . . . . . 320.462  
Sier Alvise Bon fo proveditor sora  
le fabriche di Padoa, qu. sier Hi-  
ronimo ducati 800 . . . . . 274.497

Et fo fato tre altre voxe senza danari, uno a la  
camera de imprestidi, et niun passoe, uno quaranta  
Criminal, et uno di XX Savii; le qual do ultime voxe  
passoe.

Fo stridato di far 6 voxe il primo Gran Con-  
seio per denari, Podestà et capitano a Trevixo, et

5 altre. *Item*, fo stridà separatamente di far uno al  
luogo di Procurator.

Da poi Conseio li Consieri si reduseno in Colle-  
gio col Serenissimo a lezer le lettere venute ozi di  
campo et di altrove.

*Di campo, del proveditor zeneral Pexaro, di Lambro, a dì 31, hore 3.* Come hozi, poi le  
sue scritte era stato dal signor Duca di Milan, il  
qual montava a cavallo per partirse per Lodi. Scri-  
ve parole usate per Soa Excellentia, et scrive una  
lettera al Taverna suo orator qui, qual ge la dete  
la mandasse, dicendo voler esser bon fiol et servitor  
di la Illustrissima Signoria nostra, e vol ubidirla  
in tutto et andar a star dove la vuol. Et è stà con-  
tento aver voluto andar a Como et aver esperimen-  
tata spagnoli per esser libero de la fede sua data,  
ringratiando di 2000 ducati prestati, promettendò  
presto restituirli. Et cussi il Capitano zeneral, ma-  
gnifico Vizardini, lui Proveditor et questi signori  
lo acompagnono un pezo verso Marignan; il qual  
va a Lodi, dove lui Proveditore ha scritto etc.  
Scrive, il capitano di lanzinech Michiel Gosmaier  
venuto qui volea danari per dar a li fanti, et non  
havendo hauto ordine di condurlo, nè *etiam* havea  
danari, li usò bone parole, et lui disse li soi compa-  
gni per viver haver venduto le picche et quello  
hanno in dosso. Li donò ducati 20. Trovono questo  
expediente, scriver farli la monstra, perchè in que-  
sto mezo zonzerà danari; et cussi si parti. Da Milan  
si ha inimici si preparano per ussir per venir ad  
assaltarne una notte, sichè questa notte passata si è  
stato con li occhi aperti per esser partito di campo  
da 400 lanze per l'impresa di Cremona. Essi ini-  
mici voleno tuor farine di Pavia et condurle in Mi-  
lano. Li cavali lizieri non poi impedirli, ma potendo  
divider li exerciti si farà boni effecti. *Item*, si mandi  
danari.

*Da Crema, del Podestà et capitano, di 189\**  
*primo, hore 13.* Come in questa hora è venuto  
uno mio da Milan, el qual partito heri mi riporta  
che, gionto el fo in Milan el trovò uno spagnolo suo  
amicissimo, con el qual per avanti si haveano fatti  
molti apiaceri, et li disse: « che va tu facendo, et  
che se fa in Crema? » El qual li rispose che non ve-  
gniva da Crema, ma che andava zereando uno suo  
fratello frate di l' hordine di san Domenico, el qual  
staseva in Milan, et da poi che ditti cesarei hanno  
mandato via ditti frati non sa se 'l sia nè vivo nè  
morto. El qual spagnol li disse: « Fratello nui siamo  
qui in Milano, dove è una grande carestia da viver  
et poche farine ne sono, in modo che 'l ducha di